

中国边疆研究资料文库·边疆史地文献初编

# 西南邊疆

第三輯

中国边疆研究资料文库·边疆史地文献初编

# 西南邊疆

第三輯

廣西書後蜀議



廣西善後芻議述意

廣西古稱藩服今類中州先正張栻呂祖  
謙范祖禹鄒浩柳宗元馮京黃庭堅諸賢  
道化正氣文聲德譽沐浴一時(粵西叢載)  
民到於今稱之不敏於去年今月之四日  
以揀選知縣奉

旨著發往廣西欽此本年夏秋之交到省沿途  
以來攷答民間情勢愴懷兵燹土曠人稀  
滿目瘡痍天陰鬼哭知治者日從事於捕  
除盜賊席不暇煥然而盜賊不止用是慙  
慙而莫能自制謹條擬十則痛陳於

巡撫都御史張公鳴岐之前猥荷極譽尚

不以風狂見斥議者常魑魅之自知書生  
之見人地非宜

皇恩憲恩必致兩負跡去來兮何以誌念爰理  
副本贅以罪言數事付諸手民梓既竟僭  
之曰廣西善後芻議為生靈乞命書也竊

願愛



國君子幸垂採焉  
昔光緒三十有三年歲在  
丁未嘉平既望南昌蕭鳳韶瘦稜甫自述



上粵西巡撫張堅帥書

丁未九月初九日

爲粵西元氣凋敝謹按現在情形條陳善後十則蘇民困以清盜源開民智以裕財用繕冊具呈敬備採擇事竊聞今之談時務者曰中國四萬萬百姓大抵男女各居其半除老幼廢疾而外其稱丁壯足以謀生計者又祇得其各半之半是以分利之人多生利之人少此中國所以窮也於是有天足會之說焉爲其可與男子同力合作均勞其苦也比由粵東以抵粵西攷營地方情形自梧州沂流而上一切肩摩轂擊之役大率婦女拉雜赤足耿耿則知其纏足之惡

習久已剷除而所謂天足之會且能得風氣之先宜乎其富矣迺不惟不富抑貧之已極則曷以故推原厥蔽良由於連年兵革犇命已疲游手之徒不事生業如骰攤紅寶山票牙牌天九麻將之種種賭博五花八門莫此爲甚地方之捐款以此爲大宗不惟不禁又從而保護之其次則明禁而暗弛之其甚則在官人役得規而包蔽之積重難返由來者漸是以他省之賭局破屋數間穢腥腥不可近稍知自愛者莫不以此爲羞而兩粵之賭局精潔可觀形式裝璜牟於官廨游俠少年坐擁贏餘且轉以是爲揮霍銀錢

之豪舉卽官紳子弟偶一爲之亦坦不爲怪坐是游  
惰成慣嗜博成風一場之開足以破平民數戶之產  
一局之敗足以傾中人八口之家迨至產破家傾飢  
寒交迫亡命相聚謀劫分財又苦於居者重門擊柝  
行者劍佩戒途不能不用軍械以爲自衛自脫之計  
此兩粵搶劫之大概情形也故在他省謂之盜此省  
謂之匪盜則例分首從匪則首從駢誅法網森嚴往  
往挺而走險其幸則獲者逸而笨者擒矣及其被擒  
地方官又以搶劫問題關於處分不惜嚴刑酷械以  
拷之於是輸供固死不輸供亦死等死也遲不如其

速遂不得不慷慨而輸供焉而議者謂係此間百姓有樂死特性竊以爲非樂死也好生者人物之同情惟其求生之必不可望且不堪其苦聞此間鞞犯往往有用五磔碑天碑架快活凳之類非刑毒拷慘不可言計不如死之之爲樂此又兩粵鞞訊盜犯之大概情形也然粵東繁富甲於天下彼爲盜爲劫者一舉可以美宮室擁妻妾不爲盜爲劫亦未始不可以謀生活數其罪而誅之猶足以服斷頭之魄粵西地瘠民窮除一二富民遷居都會外大抵在樂歲終身苦凶年不免於死亡之數充其狗偷鼠竊之所獲不

過口滿用手滿錢從而貸之尙覺其可憫况所擒者  
不必盡狡者大半皆笨者也雖治亂國用重典容亦  
有勢之必不獲已然毒刑之下必有冤民漢書路長  
君有云捶楚之下何求而不得宋史歐陽文忠公曰  
求其生而不得則死之非自我說文告誼取象牛口  
憫其不能言也方今

朝廷祥刑恤罰參用東西國制於凌遲梟示斬決連坐  
諸大辟及刲耳劓鼻刖足黥面一切殘廢肢體之雜  
刑悉予

恩免自有不用刑訊改爲罰鍰之偉議此等善政行之今

日之粵東殊爲平允行之今日之粵西固多窒礙乃  
一意誅戮不分首從揆諸煌煌

諭旨安乎否乎法儒斯恭達督理有曰民之所以無良而  
走險者彼非以其典輕也實以犯者之有刑在或然  
或不然之數也又曰明刑之意非以罰已然也所以  
禁未然將以弼教也非以行誅蓋以刑法之大旨無  
古無今無中無外不外癉惡禁未格非三端今廣西  
盜賊充斥日日誅戮日日搶劫似於禁未格非二者  
尠有成效則將比今之廣西百姓而盡誅之乎此必  
不然之勢也然自軍興以來按所聞於各廳州縣懲

辦之匪平均計算其爲廣西百姓亦僅僅矣父母之  
謂何豈真如俗所云除却官便是盜耶鳳韶沐荷

天恩以一介書生揀發廣西知縣原奏聲明職當研究  
法政法卽刑法政之所包者廣凡民間一切生計利  
弊之關係均宜悉心攷督藉資補救沿途以來竊見  
市影荒涼丁男罕覲村聲闌索兒童不嬉所有芻蕘  
之愚謹繕冊具呈用脩採擇是否有當伏乞

憲鑒鈞示

計開

宗旨

第一則辦匪須分首從

法無倖逃民無枉死



第二則嚴禁賭博

約束官衙重辦窩戶

第三則嚴禁私宰

責重地主獎予首者

第四則廣開工藝習實所

多一工藝少一游惰

第五則設官典

恤貧均富利國便民

第六則募開墾

導民以利化盜爲農

第七則勸開農學研究會

振興農業提倡學風

第八則改官報爲日報

藉開民智兼擅利權

第九則設濟良判婚所

寓禁於弛弭禍無形

第十則明定書差丁役之規

公愛既宏私規可杜

稟請通飭各州縣分限詳報地方生計利弊

芻議之餘

摘罪言四則

宗旨

勻實缺之肥瘠

汰虛文之繇縲

知府之關係

不用刑訊之窒礙

屬員無遷調之希望

上司無調劑之厭煩

留一分心力於百姓

國家設官非所以便官

無法之治未可以治民